

Hingh' anh Laebdaeb Doicaenh Cauhlaeb Minzcuz Doxgiet Baenaj

Gyawj bi neix doxdaeuj, Gveilinz Si Hingh' anh Yen aeu couqmaenh gij eiqsik caezcaemh Cunghvaz Minzcuz guh sienqmeh, mboujduenh doicaenh gak minzcuz doxgyau dox baedauq doxyungz, guhlaeg guhsaed hong cauhaeb minzcuz doxgiet baenaj.

Hingh' anh Yen daj gyaeuj daengz rieng cungj genhciz aendangj cienzmienh dazyinx hong minzcuz,

guh aen siujcuj dazyinx hong cauhaeb, dawz hong cauhaeb yungz-haeuj cingzcik caeuq cwngci cazyawj ndawde bae, hwnqguh "buenz geiz" gak bouhmonz gapguh, daengx biengz camgya ndeu.

Hingh' anh Yen aeu canjnieb miz daegsaek coenghregz ginghci hwngfat, haengregz guh doengh aen goengcingz "bak mbanj guhyiengh,

cien mbanj cingjeih", cauhaeb 10 aen gih guhyiengh haedsim guh nungzyez yienhdaih miz daegsaek, lai douzhaeuj guh canjnieb, suiqli coq-raemx, diuzmuengx saenqsik, mboujduenh hawj dieg minzcuz engq dox-dam doxdoeng.

Hingh' anh Yen aeu Aen Boz-vuzgvanj Lingzgiz, dajcauh aen binjbaiz son' gyauq "rumz moq Lingzgiz

daih goqdangz", guh gyangjco cien-daez son cihsiz cauhaeb minzcuz doxgiet baenaj, fat siusik goeng' ik lwnh cauhaeb hawj vunzlai, fat le 2 fanh lai mbaw swliu lwnh minzcuz doxgiet, guh "Sam Nyied Sam" Gvangjsih, cietfaenj, Cietbuenzvuengz daengj hozdung, coicaenh gak minzcuz doxgyau, demlai cingzeiq.

(Cangh Cauhveih/张超威)



▲ 3 nyied 8 hauh, vunzlai youq gwnzndoi ndaem youzcaz.

Aen Canjnieb Youzcaz Liujcouh Guh Ndaej Hoenghhwd

3 nyied 8 hauh, aen hoih yienhciegz doicaenh aen canjnieb youzcaz Liujcouh Si hwngfat sam bi hengzdoengh youq aen dieggiek ndaem youzcaz Yungzanh Yen Daboh Yang Mbanjluzgiz haiguh. Aen hozdung neix gyavaiq dawz ndaem youzcaz, gyagoeng, siugai hwnqguh baenz diuz lienh canjnieb ndeu, doidoengh canjnieb youzcaz doxcomz hwngfat, dawz canjnieb guh ok binjbaiz, guh hung guh hoengh, guh baenz "faex canhngaenz" "faex baenzmiz", doidoengh lajmbanj saenqhwn.

(Cinz Ginghoz / 覃庆和)

Fuconh: Beixnuengx Yauzcuz Angq Gvaq "Cietbangxroeg"

3 nyied 10 hauh dwg liggaueq ngeih nyied ngeih. Gyoengq beixnuengx Yauzcuz laeng Hocouh Si Fuconh Yauzcuz Swciyen Sinhvaz Yang Mbanjhujmajlingj guh "ceizduzroeg", diuq fouxgyongnyag, ciengq fwenbungqmbaj, caeuq beixnuengx baengzyoux doxcomz, caez gvaq "cietbangxroeg". Beixnuengx Yauzcuz dawz ceiz lai saek cap haeuj nyzfaexcuk bae,

baek youq ndawnaz gyaeujreih, bakdou ranz, henz conghcueng, mbaenjgouz baenzbi fwn yinzfwd rumz huzswnh, gohaeux mbouj miz non dwk, haeuxliengz sou lai ndaej rim cang. Cienznaeuz, duzroeg gwn gij ceiz nyzfaexcuk, conghbak ngaiz nem dawz liux, couh mbouj caeg gwn gohaeux lo.

(Vangz Yuzhuz/黄旭胡)



▲ 3 nyied 10 hauh, beixnuengx Yauzcuz diuq fouxgyongnyag hoh "cietbangxroeg".

Sihlinz Yen Yinzminz Fazyen Youq "Sam Bet" Cietmehmbwk Guh Hozdung Lwnh Fapceih

3 nyied 8 hauh, Sihlinz Yen Yinzminz Fazyen cujcz bouxgagnyienh bae Sihlinz Yen Bujhoz Myauzcuz Yang Mbanjsinhfungh guh hozdung cawjdaez son' gyauq "sam bet" cietmehmbwk gozci. Bouxgagnyienh fat swliu, hwnjdangz gangj doengh gij fapldw "fap baujcaeng gienzik mehmbwk, fap aeuyah haqsau, fap fanj

gyahdingz bauqlig" daengi. Gyoengq bouxgagnyienh lij caeuq vunzlai bau gyaujswj, cimz gaiqfeih, caeuq beixnuengx gak minzcuz caez gvaq ciet huzndei, raeujrub. Guhneix bang gyoengq mehmbwk gag roxyinh aeu fapldw hoh ndei swheij, lij coicaenh gak minzcuz doxgiet.

(Couh Gvanghlieng/周光亮)

◀ 3 nyied 8 hauh, bouxgagnyienh fazyen caeuq vunzlai dieg de bau gyaujswj.

